



Jens Napâtök
Inatsisartunut Ilaasortaq, Partii Naleraq
Inatsisartut@inatsisartut.gl

COVID-19-ip siaruaatinnginnissaanut iliuusissanut tunngatillugu §37 naapertorlugu apeqqutip akineqarnerat

Asasara Jens Napâtök.

Inatsisartut Suleriaasianni § 37 naapertorlugu apeqquteqarsimaninnut qujanaq. Apeqqutigisatit uannit akisassanngortinneqarsimapput. Apeqqutigineqartut tullinnguuttuni taaqqinneqarput, kinguneratigullu akissuteqarfigineqarlutik.

1. Nualluussuaq nunatsinni pitsaaliorniarlugu suliniutit annertuut assigiingitsunut sammivillit pilersaarusiorneqarlutik ingerlanneqarnissaat naalakkersuisut eqqarsaasersuutiginnigilaat?

Akissut:

Naalakkersuisut Covid-19-imik tunillaassuuttoqarnerata akiorniarnissaanut iliuusissagallartut pillugit malittarisassiortuarsimapput.

Malittarisassat taamaalillutik suli massakkut pisumut naleqqussarneqartuaput. Nalunaarutit Covid-19-imik tunillaassuinerit siaruaatinnginnissaat anguniarlugu pisariqartitsisoqartuutillugu taamaallaat atuutsittarnissaat Naalakkersuisut anguniartuarsimaavat, taamaaliornikkut inuussutissarsiortut innuttaasullu ulluinnarni inuunerat killilersuinnikkut pisariaqanngitsumik oqimaatsorsiortinnginnissaat anguniarlugu.

Taamatutaaq tulluurtumik pissusilersortarnissaq eqqiluutsuunissarlu pillugit Naalakkersuisut paasissutissanik nassiussaqtarsimapput, taamaaliornikkut innuttaasut ataasiakkaat nappaatip siaruaatinnginnissaanut illersuinissamut peqataasinnaaniassammata.

Kiisalu Naalakkersuisut 2020-mi aggustip qiteqqunnerani Covid-19-imik tunillaassuunerup akiorniarnissaanut periusissamik siumut isigisumik suliaqarsimapput. Ilaqutariinnermut Peqqissutsimullu Ataatsimiititaliaq tamanna pillugu ilisimatinneqarsimavoq.

Nunatsinni Covid-19-ip siaruaatinnginnissaa anguniarlugu piffissaagallartillugu suliniutit aallartitsisoqartarnissaa pillugu nunani allani Covid-mik tunillaassuinerup ineriartorfiuneranut Naalakkersuisut malinnaaqqissaarput.

2. Nualluussuaq pitsaaliorniarlugu Nunaqarfinni eqqiluisaarnissamut erngullu aqqutaannut tunngasut pitsanngorsarnissaat naalakkersuisut siunnerfigaat?

Akissut:

25-09-2020
Suliap nr 2020 - 15922
All. nr. 14830283

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Apeqqt 2-p akinissaanut Iisimatusarnermut Avatangiisinullu Naalakkersuisoqarfimmut saaffiginnittoqarsimavoq, imatullu paasissutissiipput:

"Iisimatusarnermut Avatangiisinullu Naalakkersuisoqarfik imermut imerneqartartumut aamma anartarfilerinermut suliassaqarfimmut oqartussaavoq. Covid-19-imut tunngatillugu suliassaqarfinnut taakkununga suliniutinik immikkut ittunik aallartitsisoqarnikuunngilaq, taamaattorli Naalakkersuisoqarfik erngup imerneqartartup pitsaassusaanut aamma anartarfilerisarnermi aaqqiissutissat pitsanngorsaanissamut pingaartitsiuarpoq."

3. Nunaqarfinni illu sulliveqanngitsuni illu sulliviit sanaartornissaannut kommunit suleqatigalugit aningaasalersuinissaq Naalakkersuisut eqqarsaatigaat?

Akissut:

Apeqqt 3-p akinissaanut Ineqarnermut Attaveqatigiinnermullu Naalakkersuisoqarfik saaffigineqarsimavoq, taakkulu imatut paasissutissiipput:

"§ 37 naapertorlugu apeqqutigineqartut 2020-098 kiisalu 2020-114 innersuussutigineqarput".

4. Nunaqarfiit eqqiluitsuutiguk – Nunaqarfinni tamani eqqagassalerinerit tamarmik kommunit suleqatigalugit piaartumik aaqqiiviginissaat naalakkersuisut eqqarsaasersuutiginnngilaat?

Akissut:

Apeqqt 4-p akinissaanut Iisimatusarnermut Avatangiisinullu Naalakkersuisoqarfimmut saaffiginnittoqarsimavoq, taakkulu imatut paasissutissiipput:

"Eqqaaveqarneq kommuninit akisussaaffigineqarpoq, Naalakkersuisulli eqqaaveqartitsinerup annertuumik kivinneqarnissaanut tunngatillugu kommuninik qanimut suleqateqarput. Naalakkersuisut ilaatigut inuiaqatigiinni eqqaaveqarnermut aaqqiissutissat pillugit kommunit tapersersoorpaat, ilaatigut Sisimiuni Nuummilu nuna tamakkerlugu ikuallaavinnik marlunnik pilersitsiniarnikkut. Naalakkersuisut eqqaaveqarnermut suliniutissai erseqqinnerusumik paasisaqarfigerusukkukit Naalakkersuisut eqqaaveqarnermut iliuusissatut pilersaarutaat 2020 - 2031 takoqquneqarpoq. Pilersaarut Naalakkersuisut nittartagaatigut pissarsiarineqarsinnaavoq.

5. Nunaqarfimmi Itillimi eqqiluisaarnikkut eqqaavilerinikkut il.il. sullissinerup pitsaalluinnartup Nunatsinni nunaqarfinni tamani atuutsinneqalernissaa kommunit suleqatigalugit Naalakkersuisut sulissutiginiangilaat? renovations ordning til alle Grønlands bygder i samarbejde med kommunerne?


Akissut:

Apeqqt 5-p akinissaanut Iisimatusarnermut Avatangiisinullu Naalakkersuisoqarfimmut saaffiginnittoqarsimavoq, taakkulu imatut paasissutissiipput:

"Naalakkersuisut Itillimi eqqagassanik isumaginnilluarneq nersualaarpaat, kommunillu misilittakkaminnik avitseqatigiitarnissaannik ataatsimut kajumissaarlugit. Nuna tamakkerlugu eqqagassanut aaqqiissutissap illoqarfinnut nunaqarfinnullu tamanut siaruarnissaa pillugu Naalakkersuisut kommuninik suleqateqarput. Apeqqt 4-mut akissutigineqartoq aamma takuuk."

Nunaqarfinni pissutsinut aamma tunillaassuunnerup akiorniarnernut suliniutinut tunngatillugu ilanngullugu paasissutissiissutigissavara Naalackersuisut ilaatigut suliassaqarfinnut taakkununnga immikkut ittunik sianigisariaqakkanik atuilersimammata. Kalaallit Nunaannut tikillutik angalasut Covid-19-imik tunillatsissimanginnerat aatsaat uppersarneqareerpat illoqarfiit, nunaqarfiit imaluunniit ukioq naallugu najugaqarfiit ilaannut angalaqqissinnaapput. Malittarisassat (Immikkoortoq 2) Nunatta avataaniit Nunatsinnut angalanermi piumasaqaatit pillugit Namminersorlutik Oqartussat nalunaarutaanni nr. 30, 10. august 2020-meersumi nassaassaapput.

Inussiarnersumik inuultuaqqusillunga



Anna Wangenheim